

Na osnovu Zakona o poticaju razvoja male privrede ("Službene novine Kantona Sarajevo", broj: 29/15), člana 2. stav (1) Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16 i 21/17) i Zaključka Vlade Kantona Sarajevo, broj: 02-05-18393-25/19 od 25.04.2019. godine, o usvajanju Godišnjeg plana provođenja Programa razvoja male privrede za 2019. godinu, Ministarstvo privrede Kantona Sarajevo d o n o s i

P R O G R A M

utroška sredstava sa kriterijima raspodjele sredstava

"Poticaj razvoju male privrede" za 2019. godinu

I

Program utroška sredstava sa kriterijima raspodjele sredstava "Poticaj razvoju male privrede" (u daljem tekstu: Program) u iznosu 4.400.000 KM, ekonomski kod 614 300 utvrđen je na osnovu Godišnjeg plana provođenja Programa razvoja male privrede za 2019. godinu i Budžeta Kantona Sarajevo za 2019. godinu ("Službene novine Kantona Sarajevo", broj: 6/19).

II

Novčana sredstva iz tačke I ovog Programa, u skladu sa Godišnjim planom provođenja Programa razvoja male privrede za 2019. godinu (u daljem tekstu: Godišnji plan) i Pravilnikom o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16 i 21/17 – u daljem tekstu: Pravilnik), raspoređuju se po programima:

1.1. Program: Poticajna kreditna sredstava pod povoljnijim uslovima

Cilj:

Program "Poticajna kreditna sredstava pod povoljnijim uslovima" omogućava subjektima male privrede da putem odabrane banke obezbijede finansijska sredstva po povoljnim kreditnim uvjetima (uz subvencioniranu kamatnu stopu na kreditna sredstva, manju efektivnu kamatnu stopu (EKS) i troškove obrade kredita), čija namjena je ulaganje u stalna sredstva u visini od minimalno 50% odobrenih kreditnih sredstava za investicije a do maksimalno 50% odobrenih kreditnih sredstava za obrtna sredstva, na način koji omogućava povećanje obima proizvodnje i/ili usluga, te u skladu sa tim i obezbjeđenje novih radnih mjesta.

Kriteriji za izbor:

Obezbjeđenje kreditiranja pod povoljnijim uslovima putem banke odobrava se subjektima male privrede, koji imaju sjedište ili poslovnu jedinicu registriranu na području Kantona Sarajevo, uz uslov implementacije odobrenih sredstava na području Kantona Sarajevo (u daljem tekstu: Kanton). U skladu sa zakonom vrši se odabir banke za plasman kreditne linije uz subvencioniranje dijela kamatne stope od strane Ministarstva privrede. Javni poziv za izbor korisnika poticajnih kreditnih sredstava, uz saglasnost Ministarstva privrede raspisuje odabrana Banka. Izbor korisnika poticajnih kreditnih sredstava, vrši se na osnovu razvojnih programa/projekata koji omogućavaju stvaranje stimulativnog poslovnog ambijenta za nastanak novih i razvoj postojećih privrednih subjekata i otvaranje novih radnih mjesta. Osnovni kriteriji za utvrđivanje liste potencijalnih korisnika kredita sa subvencioniranom kamatnom stopom su: vrsta djelatnosti (proizvodna, uslužna i proizvodno-uslužna); broj uposlenih; povećanje zaposlenosti nakon implementacije kreditnih sredstava; namjena utroška

sredstava; proizvodi i usluge kojima se ostvaruje veća dodatna vrijednost; izvori-način finansiranja projekata; orijentisanost ka izvozu, kreditna sposobnost i formalno - pravno uredna dokumenta za obezbjeđenje kredita. Prioritet u ostvarenju poticaja imaju sve proizvodne, a posebno izvozno orijentisane djelatnosti, te one djelatnosti koje su u Strategiji razvoja Kantona Sarajevo do 2020. godine definisane kao strateške za razvoj Kantona Sarajevo.

Korisnici programa:

Pravo na dodjelu poticajnih kreditnih sredstava pod povoljnijim uslovima ostvaruju svi subjekti male privrede definisani u članu 5. Zakona o poticaju razvoja male privrede ("Službene novine Kantona Sarajevo", broj: 29/15), koji imaju sjedište ili poslovnu jedinicu registriranu na području Kantona uz uslov implementacije odobrenih sredstava za provođenje poslovnih aktivnosti na području Kantona.

Ukupan iznos sredstava za ovu namjenu: 2.000.000,00 KM.

Iznos poticajnih kreditnih sredstava utvrđuje se nakon provedene analize kreditnog zahtjeva i kreditne sposobnosti svakog subjekta i uz saglasnost Ministarstva privrede za svaki od strane banke obrađeni zahtjev privrednog subjekta za odobrenje kreditiranja – finansiranja. Iznos pojedinačnih poticajnih kreditnih sredstava je do 1,000,000.00 KM, a dodjeljuju se na rok od tri godine (36 mjeseci) do 7 godina (84 mjeseca). Godišnjim planom za 2019. godinu za ovu namjenu predviđen je iznos od 2.000.000,00 KM.

1.2.1 Program: Subvencioniranje kamata po preuzetim kreditima

Cilj:

Program omogućava subjektima male privrede koji su kreditno zaduženi u komercijalnim bankama, za nabavku trajnih sredstava, opreme i/ili finansiranja investicija za rast i razvoj subjekata male privrede, da dobiju grant finansijska sredstva na ime subvencioniranja dijela plaćenih troškova kamate. Korisnicima se na ovaj način omogućavaju poticajna grant finansijska sredstva čija namjena je za nabavku osnovnih sredstava i opreme, novo zapošljavanje, obezbjeđenje redovnog poslovanja i/ili finansiranje investicija za rast i razvoj subjekta male privrede. Korisnik koji po ovom osnovu ostvari subvenciju u maksimalnom iznosu ima obavezu zapošljavanja novog/ih radnika u trajanju od najmanje godinu dana, o čemu je korisnik dužan uz redovni Izvještaj o utrošku sredstava dostaviti i potvrdu Porezne uprave.

Kriteriji za izbor:

Podnosioci zahtjeva koji su kreditno zaduženi u komercijalnim bankama obavezni su dostaviti: ugovor o kreditu sa komercijalnom bankom iz 2016.; 2017. i 2018. godini sa anuitetnim planom (plan otplate kredita) iz kojeg je vidljiva namjena odobrenih kreditnih sredstava i Potvrdu banke o redovnoj otplati kredita sa obaveznim pregledom i ukupnim iznosom obračunatih i naplaćenih kamata za svaku godinu za koju se traži subvencija troškova kamate po osnovu kredita odobrenog u komercijalnoj banci, te ostalu opću i posebnu dokumentaciju u skladu sa Pravilnikom i Javnim pozivom. Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje (u prilogu Tabela: 1.1).

Korisnici programa:

Pravo na dodjelu poticajnih grant sredstava za subvencioniranje kamata po preuzetim kreditima ostvaruju subjekti male privrede definisani u skladu sa Zakonom o poticaju razvoja male privrede koji: imaju sjedište na prostoru Kantona Sarajevo, imaju najmanje jednog zaposlenika na neodređeno vrijeme, koji u skladu sa Obavještenjem o razvrstavanju pravnog lica prema klasifikaciji djelatnosti imaju registrovanu djelatnost unutar slijedećih područja Klasifikacije djelatnosti KD BiH 2010 ("Službeni glasnik BiH", broj 47/10): Područje C – Prerađivačka industrija (osim sljedećih oblasti: 11;

12; 19; 29; 30; oblasti 20 grana 20.5; oblasti 25 grana 25.4 i oblasti 28 grana 28.3), Područja F – Građevinarstvo, oblast 43 grana 43.2 i 43.3, Područja J – Informacije i komunikacije, Područja S-oblast 95.1. i Područja Q- oblast 86.2. i u okviru Područja G ukoliko privredni subjekt iz ovog područja djelatnosti obavlja i proizvodno-uslužnu djelatnost te dokaže da je odobrena kreditna sredstva koristio za te namjene. Subvencionirati će se dio troškova kamate za realizovane kredite koji imaju efektivnu kamatnu stopu (EKS) od 3,95 do 10%. Visina subvencioniranog dijela plaćenih troškova kamata za odobrene kredite kod komercijalnih banaka u 2016.; 2017. i 2018. godini iznosi:

1. -50% plaćene kamate na kredite sa efektivnom kamatnom stopom 3,95 do 7,00%.
2. - 60% plaćene kamate na kredite sa efektivnom kamatnom stopom 7,01 do 10%.

Ukupan iznos sredstava za ove namjene: 200.000,00 KM.

Godišnjim planom za 2019. godinu za sve podnosiocima zahtjeva, koji su kreditno zaduženi u komercijalnim bankama i ispunjavaju tražene uslove, predviđen je ukupan iznos sredstava od 200.000,00 KM. Sredstva su obezbijeđena u Budžetu Kantona Sarajevo na poziciji “Podsticaj razvoju male privrede” (ekonomski kod 614 300). Minimalan iznos kredita za koji podnosioci zahtjeva koji su kreditno zaduženi u komercijalnim bankama, mogu podnijeti zahtjev za subvencioniranje dijela troškova kamata je 50.000,00 KM, a maksimalan iznos kredita je 1.000.000,00 KM. Ukoliko korisnik realizuje dva ili više kredita imat će pravo na subvencioniranje dijela troškova kamata na zbir kredita koji ne prelazi iznos od 1.000.000,00 KM. Maksimalan iznos poticaja može iznositi najviše 20.000,00 KM prihvatljivih troškova za jedan privredni subjekt.

1.2.2 Program: Subvencioniranje kamata putem Sarajevske regionalne razvojne agencije

Cilj:

Omogućiti korisnicima kredita subvencioniranje dijela troškova kamate na odobrena kreditna sredstva putem Sarajevske regionalne razvojne agencije (u daljem tekstu: SERDA d.o.o) - Kreditno-garantnog fonda SERDA d.o.o. za kredite koji nisu obezbijeđeni kvalitetnim i/ili prvoklasnim kolateralom, a čija namjena je bila nabavka stalnih sredstava, opreme i/ili finansiranja investicija za rast i razvoj subjekata male privrede u skladu sa Godišnjim planom.

Kriteriji za izbor:

Uslove i kriterije za subvencioniranje kamate propisuje SERDA d.o.o. kao nosilac Programa razvoja u skladu sa Zakonom, Godišnjim planom i Pravilnikom o radu Kreditno garantnog-fonda Serda d.o.o.. Subvencioniranje troškova kamate subjektima male privrede na kreditna sredstva odobrena putem SERDA d.o.o. obaviti će se u skladu sa Pravilnikom o radu Kreditno-garantnog fonda Serda d.o.o. i članom 3. Pravilnika.

Korisnici programa:

Pravo na dodjelu poticajnih grant sredstava za subvencioniranje kamata ostvaruju subjekti male privrede definisani u članu 5. Zakona, kojima su odobrena kreditna sredstva putem KGF SERDA d.o.o., koji obavljaju osnovne djelatnosti u skladu sa djelatnostima propisanim Godišnjim planom i koji imaju sjedište i implementiraju poticajna kreditna sredstva na prostoru Kantona Sarajevo. Korisnici ne mogu biti privredna društva u stečaju.

Ukupan iznos i način dodjele sredstava za ovu namjenu: 300.000,00 KM.

Vlada Kantona Sarajevo donosi Odluku, o iznosu sredstava i visini subvencionirane kamate na odobrena kreditna sredstva putem Kreditno-garantnog fonda SERDA d.o.o.. Sredstva za ove namjene implementiraju se putem SERDA d.o.o.

1.3 Program: Unapređenje institucijske preduzetničke infrastrukture

Cilj:

Cilj programa je da Kanton Sarajevo izgradi vlastite kapacitete za pružanje institucionalne podrške maloj privredi, posebno u fazi osnivanja novih subjekata, početnom periodu poslovanja, edukaciji itd.

Namjena ovog programa u oblasti institucijske preduzetničke infrastrukture podrazumijeva: finansiranje/sufinansiranje ili subvencioniranje troškova nosioca programa/projekta razvoja male privrede u izradi i realizaciji odgovarajućih programa, projekata i/ili studija čime se potiče stvaranje preduslova za razvoj subjekata male privrede (MSP), adaptacija ili rekonstrukcija poslovnog prostora u cilju uređenja prostora business startup centra, tehnološkog parka ili poslovnog inkubatora.

Kriteriji za izbor:

Program/projekt mora da sadrži jasno definisane ciljeve, namjenu, iznos i utrošak sredstava, adekvatne i kvalitetne uslove za razvoj preduzetništva, te omogućiti kreiranje novih mogućnosti za zapošljavanje i otvaranje novih radnih mjesta, kao i pružanje usluga mentoringa, stručne podrške i drugih vrsta edukacije i promocije iz oblasti preduzetništva. Program/projekt može biti sufinansiran od strane podnosioca zahtjeva koji aplicira za poticajna grant sredstva. Podnosioci zahtjeva koji osiguravaju finansijski doprinos za implementaciju projekta/programa u iznosu od minimalno 20% i više od vrijednosti projekta iz vlastitih ili drugih izvora finansiranja u vrijeme podnošenja zahtjeva imaju prednost prilikom odobravanja sredstava. Ukoliko subjekti podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje (u prilogu Tabela: 1.2).

Korisnici programa:

Pravo na dodjelu poticajnih grant sredstava za finansiranje/sufinansiranje ili subvencioniranje troškova nosioca programa/projekata za unapređenje institucijske preduzetničke infrastrukture u Kantonu Sarajevo imaju nosioci programa razvoja u skladu sa članom 12.; 16. i 17. Zakona. Oni su nosioci implementacije projekta, podnosioci zahtjeva i odgovorni su za realizaciju svih predviđenih i odobrenih programskih/projektnih aktivnosti, uključujući i preuzimanje finansijskih obaveza. Svi drugi subjekti koji učestvuju u implementaciji programa/projekata mogu biti samo partneri.

Ukupan iznos sredstava za ovu namjenu: 500.000,00 KM.

Godišnjim planom za 2019. godinu za provođenje ovog Programa predviđen je ukupan iznos od 500.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" (ekonomski kod 614 300). Vrijednost pojedinačnih programa/projekata s kojim se aplicira ne može biti niža od 50.000 KM niti viša od 120.000 KM. Finansijski doprinosi nosioca implementacije programskih/projektnih aktivnosti od minimalno 20% vrijednosti programa/projekta osiguravaju prednost prilikom odabira programa/projekata koji će biti predmet finansiranja.

1.4 Program: Podrška u primjeni tehničkih normi i standarda kvalitete

Cilj:

Podrška za uvođenje i certificiranje sistema kvaliteta i standarda EU je program subvencioniranja dijela troškova subjekata male privrede prilikom uvođenja međunarodnih standarda (ISO, HACCP, HALAL i drugih standarda), osiguranja CE znaka, za njihovo obnavljanje sa ciljem usklađenosti vlastitih proizvoda prema normama i smjernicama EU, kao i za potrebe jačanja konkurentnosti kroz tehnološku modernizaciju, modernizaciju poslovnih procesa, podršku unapređenju znanja i vještina zaposlenih, podršku inovacijama, promociji izvoznih potencijala i pristupa novim tržištima čime se potiče konkurentnost subjekata male privrede na domaćem i inostranom tržištu. Ostvarene subvencije služe za ulaganja u obavljanje registrovane djelatnosti i nova zapošljavanja, o čemu korisnik subvencije dostavlja dokaz uz Izvještaj o utrošku sredstava.

Kriteriji za izbor:

Osnovni kriteriji za ostvarivanje prava na dodjelu poticajnih grant sredstava za ove namjene ocjenjuje se kroz djelatnost koju subjekt male privrede obavlja: proizvodna ili proizvodno – uslužna, broj

zaposlenih, povećanje zaposlenosti, orijentiranost izvozu, te za jačanje konkurentnosti kroz tehnološku modernizaciju, modernizaciju poslovnih procesa, podršku unapređenju znanja i vještina zaposlenih, podršku inovacijama, promociji izvoznih potencijala i pristupa novim tržištima. Uslovi za izbor korisnika poticajnih grant sredstava za ove namjene su: da se subjekti male privrede nalaze u postupku ili su tokom 2016., 2017. i 2018. godine izvršili certifikaciju/standardizaciju i/ili koristili konsultantske usluge ili edukacije za uvođenje i certificiranje kvaliteta i druge standarde EU, ili su imali ulaganja u tehnološku modernizaciju, modernizaciju poslovnih procesa, podršku unapređenju znanja i vještina zaposlenih, podršku inovacijama, promociji izvoznih potencijala, te o tome podnesu adekvatne dokaze (Ugovor i/ili račun i izvod iz banke o plaćenim troškovima), da subjekti male privrede posjeduju dokaze (certifikat izdat od ovlaštene certifikacijske organizacije u 2016./ 2017. i/ili 2018. godini; obnovljen standard u 2016./ 2017. i/ili 2018. godini; osiguran CE znak u u 2016./ 2017. i/ili 2018. godini ili posjeduju Tehnički fajl-dosije) sa svim pripadajućim procedurama, uputstvima i zapisima za osiguranje kvalitete proizvoda, te podnesu dokaze o izvršenim uslugama (Ugovor i/ili račun i izvod iz banke o plaćenim troškovima). Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, prednost prilikom dodjele sredstava ostvaruju privredni subjekti koji to pravo ostvaruju po osnovu uvođenja i certificiranja sistema kvaliteta i standarda EU. Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje (u prilogu Tabela: 1.3).

Korisnici programa:

Pravo na dodjelu poticajnih grant sredstava za subvencioniranje dijela troškova nastalih u 2016.; 2017. i 2018. godini ostvaruju svi u skladu sa Zakonom definisani subjekti male privrede sa sjedištem na prostoru Kantona Sarajevo koji registrovanu djelatnost obavljaju unutar slijedećih područja Klasifikacije djelatnosti KD BiH 2010 ("Službeni glasnik BiH", broj 47/10): Područje C – Prerađivačka industrija (oblasti 10, 16 do 31), Područja F – Građevinarstvo, Područja J – Informacije i komunikacije- oblast 62, Područja S- oblast 95.1. i Područja Q- oblast 86.2. za: konsultantske usluge, edukaciju i uvođenje sistema i standarda kvalitete; za certificiranje sistema i certificiranje proizvoda (CE oznaka) kojima se obezbjeđuju usklađenost vlastitih proizvoda prema europskim normama i smjernicama; troškove stjecanja prava ili obnavljanja upotrebe ISO, HACCP, HALAL i drugih međunarodno priznatih standarda, za ulaganja u tehnološku modernizaciju, modernizaciju poslovnih procesa, podršku unapređenju znanja i vještina zaposlenih, podršku inovacijama, promociji izvoznih potencijala.

Ukupan iznos sredstava za ovu namjenu: 150.000,00 KM.

Godišnjim planom za 2019. godinu za ovu namjenu predviđen je iznos od 150.000,00 KM. Sredstva će se dodjeljivati u iznosu od 70% priznatih troškova utrošenih za ove namjene, a u maksimalnom iznosu po jednom korisniku do 25.000 KM. Ukoliko je u privrednom subjektu zaposleno više od 50% mladih (osoba do 35 godina) ili je privredni subjekt u većinskom privatnom vlasništvu osobe s invaliditetom i/ili zapošljava minimalno 3 (tri) osobe sa utvrđenim invaliditetom (Rješenje, ocjene i mišljenje izdato od nadležnog organa o utvrđivanju stepena invaliditeta za uposlene osobe sa invaliditetom čiji stepen invaliditeta je 60% i više, osobu s najmanje 70% tjelesnog oštećenja, ukoliko to oštećenje ima za posljedicu smanjenje radne sposobnosti, ili osobu sa umjerenom ili lakom mentalnom retardacijom (intelektualnim teškoćama) u skladu sa Zakonom o profesionalnoj rehabilitaciji, osposobljavanju i zapošljavanju osoba s invaliditetom ("Službene novine FBiH", broj 9/10) ostvaruje pravo na 80% priznatih troškova utrošenih za ove namjene, a u maksimalnom iznosu do 30.000 KM. Korisnik koji ostvari subvenciju u iznosu od najmanje 20.000,00 KM ima obavezu zapošljavanja novog radnika (po mogućnosti do 35 godina) u trajanju od najmanje godinu dana, o čemu je korisnik dužan uz redovni Izvještaj dostaviti i potvrdu Porezne uprave o novo uposlenom radniku. Sredstva za subvencioniranje

troškova uplaćuju se na račun korisnika po osnovu dostavljenih Ugovora i/ili računa kojima se dokazuje namjensko korištenje sredstava i dostavljenog dokaza o plaćanju istog Ugovora i/ili računa (izvod iz banke), te drugih dokaza u skladu sa Javnim pozivom.

1.5.1 Program: Unaprjeđenje rada udruženja obrtnika

Cilj:

Unaprjeđenje rada udruženja obrtnika je program čija namjena predviđa subvenciju dijela troškova za provođenje odgovarajućeg programa/projekta razvoja obrta, očuvanja obrtničke tradicije, kulturnog i historijskog nasljeđa tradicionalnih i starih obrtničkih djelatnosti, pružanje stručne i materijalne pomoći tradicionalnim i starim obrtničkim djelatnostima, edukacije i stručnog osposobljavanja mladih u cilju jačanja veza između obrazovnog sistema i obrtništva, interesnog umrežavanje obrtnika i organizovanog zastupanja interesa obrtnika na konferencijama, okruglim stolovima i sajmovima, sa krajnjim ciljem jačanja rada Obrtničke Komore i udruženja obrtnika, te razvoja i afirmacije svih obrta.

Kriteriji za izbor:

Kriteriji za izbor korisnika poticajnih grant sredstava podrazumijevaju obavezno dostavljanje programa/projekta koji sadrži jasno definisane ciljeve, namjenu, iznos i utrošak sredstava za svaku planiranu aktivnost, usklađenost sa namjenom sredstava, izvore/način finansiranja, broj članova udruženja obrtnika, organiziranost udruženja i komore, broj učesnika u programu/projektu, dosadašnje poticaje od strane ministarstva privrede i FMRPO, i sl.. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje (u prilogu Tabela: 1.4).

Korisnici programa:

Pravo na dodjelu poticajnih grant sredstava za odgovarajući program/projekt u skladu sa Javnim pozivom ostvaruju udruženja obrtnika koja su uredno registrovana na području Kantona Sarajevo i Obrtnička Komora Kantona Sarajevo, a koja uredno izmiruju sve zakonom predviđene obaveze.

Ukupan iznos sredstava za ovu namjenu: 50.000,00 KM

Godišnjim planom za 2019. godinu za ovu namjenu predviđen je iznos od 50.000,00 KM, a sredstva su obezbijeđena u Budžetu Kantona Sarajevo na poziciji "Podsticaj razvoju male privrede" (ekonomski kod 614 300) i biće raspoređena na programe koji zadovolje kriterije iz Javnog poziva.

1.5.2 Program: Stari zanati - Subvencija troškova nabavke osnovnog materijala, alata i sl.

Cilj:

Ovom mjerom se posebno daje podrška opstanku, revitalizaciji i zaštiti starih tradicionalnih zanata putem provođenja programa subvencioniranja troškova obezbjeđenja repromaterijala, alata, mašina, uređenja poslovnog prostora i nabavke ostalih pomagala za obavljanje osnovne djelatnosti tradicionalnih i starih zanata (obrta) definisanih u Uredbi o kriterijima i postupku za ostvarivanje prava na podsticajna sredstva za očuvanje i razvoj tradicionalnih i starih zanata – obrta ("Službene novine Kantona Sarajevo, br. 15/10 i 29/11). Tradicionalni stari zanati- obrti su obrti čiji je finalni proizvod rezultat tradicijskog obrta, odnosno koji je dobijen upotrebom tradicijskih materijala i tehnologije ili je proizvod umjetničke vrijednosti izrađen pretežno ručnim radom i u malim serijama.

Kriteriji za izbor:

Kriteriji za ostvarivanje prava obrtnika – zanatlija na novčane podsticaje su: da je u Obavještenju Službe za statistiku o razvrstavanju obrta prema KD 2010 djelatnosti jasno navedena tražena djelatnost, da se dostavi rješenje Porezne uprave o utvrđivanju plaćanja paušalnog poreza na dohodak, da u manjim serijama izrađuju proizvode starih i tradicionalnih zanata pretežnim udjelom ručnog rada, da zanatsku djelatnost – obrt obavljaju kao osnovno zanimanje, da obrtnici imaju stručnu osposobljenost za obavljanje obrta ili da taj obrt obavljaju najmanje pet godina, da postoji tradicija u obavljanju obrta dozvoljenog javnim pozivom i da je sjedište obrta i prebivalište obrtnika u Kantonu Sarajevo (potvrda OKKS), te dostavljanje računa i/ili ugovora kojima se dokazuje namjensko

korištenje sredstava i dokaza o podmirenju-plaćanju računa/ugovora (izvod iz banke). Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje (u prilogu Tabela: 1.5).

Korisnici programa:

Pravo učešća po osnovu Javnog poziva imaju obrtnici čije je prebivalište i sjedište obrta u Kantonu Sarajevo, koji ispunjavaju uslove i kriterije propisane u Uredbi o kriterijima i postupku za ostvarivanje prava na podsticajna sredstva za očuvanje i razvoj tradicionalnih i starih zanata – obrta ("Službene novine Kantona Sarajevo", br. 15/10 i 29/11) i koji na osnovu Obavještenja Službe za statistiku o razvrstavanju obrta prema KD 2010 djelatnosti kao osnovnu djelatnost obavljaju slijedeće stare i tradicionalne djelatnosti–obrte: Proizvodnja užadi, konopaca, upletenog konca i mreža (13.94 i 32.91 - užar, četkar), Proizvodnja kapa i šešira (14.13 i 14.39 – kapar), Proizvodnja putnih i ručnih torba i sličnih proizvoda, sedlarskih i kaišarskih proizvoda (15.12 – tašnar), Popravak i izrada obuće i proizvoda od kože (15.20 i 95.23 – obućar), Brijanje i podrezivanje brade, pranje, podrezivanje i šišanje kose (96.02 – berbersko-brijačka), Proizvodnja ostalih proizvoda od drva, proizvoda od pluta, slame i pletarskih materijala (16.29), Proizvodnja i obrada ostalog stakla uključujući tehničke proizvode od stakla (23.19 – optičar), Proizvodnja ostalih gotovih proizvoda od metala (25.72, 25.73, 25.91, 25.92 i 25.99 - kazandžija, kujundžija, oštrač, limar) i Proizvodnja i popravak ostalog namještaja (31.09 i 95.24 – tapetar).

Ukupan iznos sredstava za ovu namjenu: 100.000,00 KM

Godišnjim planom za 2019. godinu za ovu namjenu predviđen je iznos od 100.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" i biće raspoređena na korisnike u skladu sa kriterijima iz Javnog poziva. Sredstava koja korisnik ostvari po ovom osnovu dodjeljuju se u visini do 70% troškova izvršenog ulaganja u 2017/2018. godini, najviše do iznosa od 5.000,00 KM po pojedinom korisniku. (Dokazi: ugovor/račun o kupovini osnovnog materijala, alata i/ili uređenja poslovnog prostora od 01.01. 2017. godine do 31.12. 2018. godine i izvoda sa transakcijskog računa banke o plaćenom računu).

1.6 Program: Poticaj novoosnovanim – start up subjektima male privrede

Cilj:

Ovim Programom poticajna sredstva dodjeljuju se novoosnovanim – start up subjektima male privrede za subvencioniranje troškova nastalih u fazi pokretanja privredne aktivnosti, odnosno za: nabavu mašina, opreme, alata, uređenje (građevinski, instalacijski i radovi unutrašnjeg uređenja) i zakup poslovnog prostora, izradu poslovnog plana, softvera i konsultantske usluge i sl., ukoliko isti nisu sufinansirani od drugih institucija prilikom njihove registracije. Ostvarene subvencije služe za dalja ulaganja u obavljanje registrovane djelatnosti uz uslov da se sjedište privrednog subjekta nalazi na području Kantona Sarajevo.

Kriteriji za izbor:

Izbor korisnika grant poticajnih sredstava vrši se na osnovu dostavljenog dokaza o kupljenim mašinama i ostaloj opremi, izvedenim radovima i utrošenim sredstvima za koji se traži subvencija dijela troškova, a privredni subjekti obavezni su dostaviti račune i/ili ugovore kojima se dokazuje namjensko korištenje sredstava i dokaz o plaćanju dostavljenih računa (izvod iz banke), te fotodokumentaciju mašina, postrojenja, opreme koja je nabavljena ili prostora koji je uređen, a ukoliko su u privrednom subjektu zaposlene osobe sa invaliditetom uz prijavu obavezno se dostavljaju Rješenja, ocjene i mišljenja o utvrđenom stepenu invaliditeta izdata od nadležnog organa. (u prilogu Tabela: 1.6).

Korisnici programa:

Pravo na subvencioniranje troškova ostvaruju novoosnovani start up subjekti male privrede, osnovani u skladu sa Zakonom od 01.01.2016. godine do 31.12.2018. godine, a koji registrovanu djelatnost

obavljaju unutar slijedećih područja Klasifikacije djelatnosti KD BiH 2010 ("Službeni glasnik BiH", broj 47/10): Područje C – Prerađivačka industrija (oblasti 10, 16 do 31), Područja F – Građevinarstvo, Područja J – Informacije i komunikacije - oblast 62, Područja S- oblast 95.1. i Područja Q- oblast 86.2. Korisnici poticaja su preduzetnici sa sjedištem na području Kantona Sarajevo. Korisnik koji ostvari subvenciju od najmanje 20.000,00 KM ima obavezu zapošljavanja novog radnika u trajanju od najmanje godinu dana, o čemu je dužan uz Izvještaj dostaviti i potvrdu Porezne uprave.

Ukupan iznos sredstava za ovu namjenu: 200.000,00 KM

Godišnjim planom za ovaj Program planiran je ukupan iznos od 200.000,00 KM. Sredstva za provođenje ovog Programa dodjeljuju se isključivo za troškove nastale nakon 01.01.2016. godine do 31.12.2018. godine. Poticaj može iznositi do 60% prihvatljivih dokumentiranih troškova, a najviše ukupno 20.000,00 KM za jedan privredni subjekt. Ukoliko je u privrednom subjektu zaposleno više od 50% mladih (osoba do 35 godina) ili je privredni subjekt u većinskom privatnom vlasništvu osobe s invaliditetom i/ili zapošljava minimalno 3 (tri) osobe sa invaliditetom (Rješenje, ocjene i mišljenje o utvrđivanju stepena invaliditeta za uposlene osobe sa invaliditetom izdato od nadležnog organa) ostvaruje pravo na 70% priznatih troškova utrošenih za ove namjene, a u maksimalnom iznosu do 30.000 KM, a za što je potrebno dostaviti odgovarajuće dokaze.

1.7 Program: Poticaj razvoja ženskog preduzetništva

Cilj:

Ovim Programom obezbjeđuju se poticajna grant sredstva ženama preduzeticama za subvencioniranje troškova ulaganja u projekte ženskog preduzetništva sa svrhom tehnološkog unaprjeđenja poslovanja i novih zapošljavanja uz uslov da je sjedište privrednog subjekta ili poslovna jedinica registrirana na području Kantona Sarajevo, te da se implementacija odobrenih sredstava za provođenje poslovnih aktivnosti realizira na području Kantona Sarajevo.

Kriteriji za izbor:

Izbor korisnika grant poticajnih sredstava za subvencioniranje troškova po ovom Programu vrši se na osnovu dostavljenih dokaza o kupljenim mašinama, novoj tehnologiji i ostaloj opremi, zakupu i/ili unutrašnjem uređenju poslovnog prostora, izvedenim radovima i sl. za koji se traži subvencija dijela troškova, a privredni subjekti obavezni su dostaviti račune i/ili ugovore kojima se dokazuje namjensko korištenje sredstava i dokaz o plaćanju dostavljenih računa (izvod iz banke), te po mogućnosti fotodokumentaciju mašina, postrojenja, opreme koja je nabavljena ili prostora koji je uređen. Troškovi koji se priznaju odnose se isključivo na direktne troškove nastale realizacijom namjene sredstava. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje (u prilogu Tabela: 1.7).

Korisnici programa:

Pravo apliciranja na javni poziv za poticajna grant sredstava po ovom Programu ostvaruju subjekti male privrede definisani u skladu sa Zakonom, sa sjedištem na području Kantona Sarajevo, koji su u većinskom (minimalno 51%) privatnom vlasništvu žena državljanke Bosne i Hercegovine, zapošljavaju najmanje 3 (tri) radnika uključujući i vlasnicu, s time da će prednost imati oni koji su usmjereni na proizvodnju i plasman vlastitih, izvornih proizvoda i usluga. Pravo ostvaruju subjekti male privrede koji imaju registrovanu djelatnost unutar slijedećih područja Klasifikacije djelatnosti KD BiH 2010 ("Službeni glasnik BiH", broj 47/10): Područje C – Prerađivačka industrija (osim sljedećih oblasti: 11; 12; 19; 29; 30; oblasti 20 grana 20.5; oblasti 25 grana 25.4 i oblasti 28 grana 28.3), Područja F – Građevinarstvo, oblast 43 grana 43.2 i 43.3, i Područja J – Informacije i komunikacije - oblast 62., Područja S- oblast 95.1. i Područja Q- oblast 86.2. Pravo na poticajna grant sredstava za subvencioniranje dijela plaćenih troškova u 2016.; 2017. i 2018. godini ostvaruju subjekti male privrede za sljedeće aktivnosti: unutrašnje uređenje poslovnog prostora; zakup poslovnog prostora, nabavku mašina, postrojenja i opreme, mjernih i kontrolnih uređaja i instrumenata u vrijednosti većoj

od 3.000,00 KM, preuređenje i nadogradnju strojeva i opreme u cilju prilagođavanja novim poslovima; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga; ulaganje u energetske učinkovitiju proizvodnju i usluge; i sufinansiranje troškova poslovnog softvera neophodnog za unaprjeđenje kvalitete rada u proizvodnom, odnosno poslovnom procesu. Pravo prvenstva imaju podnosioci zahtjeva za poticaj koji se bave proizvodnom djelatnošću, a posebno izvozno orijentisani subjekti male privrede. Pravo po osnovu ovog Programa ne mogu ostvariti privredni subjekti koji su u navedenom periodu po istom osnovu ostvarili subvenciju ili po bilo kom drugom osnovu ostvarili subvenciju, donaciju ili drugu finansijsku pomoć.

Ukupan iznos sredstava za ovu namjenu: 150.000,00 KM

Sredstva za subvencioniranje dijela troškova u visini do 80 % dokumentiranih troškova za navedene aktivnosti, uplaćuju se na račun korisnika po osnovu dostavljenih računa i/ili ugovora kojima se dokazuje namjensko korištenje sredstava i dostavljenog dokaza o plaćanju računa/ugovora (izvod iz banke). Sredstva za provođenje ovog Programa po Javnom pozivu dodjeljuju se isključivo za troškove sa datumom fakture od 01.01.2016.godine do 31.12.2018. godine. Minimalni iznos prihvatljivih troškova je 3.000,00 KM, a maksimalan iznos poticaja može iznositi najviše 20.000,00 KM prihvatljivih troškova za jedan privredni subjekt. Korisnik koji po ovom osnovu ostvari subvenciju u iznosu od 20.000,00 KM ima obavezu zapošljavanja novog/ih radnika u trajanju od najmanje godinu dana, a korisnik je dužan uz redovni Izvještaj dostaviti i potvrdu Porezne uprave. Ukoliko subjekti male privrede podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.

1.8 Program: Poticaj za unaprjeđenje IT preduzetništva u svrhu novih zapošljavanja

Cilj:

Cilj programa je subvencioniranje dijela troškova IT kompanija i drugih subjekata koje nakon provedenog programa kreiraju platforme za zapošljavanje polaznika obuke u istoj ili drugim kompanijama. Ovim Programom daje se podrška poboljšanju kvaliteta znanja, prilagođavanja radu u IT kompanijama i upotrebi savremene informacijske i komunikacijske tehnologije sa krajnjim ciljem da se u IT kompanijama nakon provedenog internog programa edukacije i obuke izvrši zapošljavanje osoba koje su uspješno završile obuku i koje se bave djelatnostima baziranim na znanju i savremenim informacionim tehnologijama. Program je namijenjen IT kompanijama i mladim osobama i onima koji žele da se bave djelatnostima baziranim na znanju i savremenim informaciono komunikacionim tehnologijama.

Kriteriji za izbor:

Podnosilac ponude mora biti registrovan za pružanje usluga u oblasti informaciono komunikacionih tehnologija ili za obrazovanje odraslih u skladu sa Zakonom o obrazovanju odraslih u Kantonu Sarajevo ("Službene novine Kantona Sarajevo", broj 40/15), mora obezbijediti poslovni prostor (vlastiti ili zakupljeni) koji će opremiti odgovarajućom IT opremom (računari, table, projektor i ostala pomoćna sredstva), te u takvom centru provesti dostavljeni projekt/program interne obuke ili edukacije iz oblasti IT odobrene u skladu sa zakonom (o čemu se dostavlja posebna Izjava). Podnosilac ponude mora dostaviti detaljan program/projekt obuke sa navedenim iznosom troškova po svakoj aktivnosti navedenoj u projektu (vremenski period obuke, teme, predavači i ostalo) prilagođen IT kompaniji i/ili krajnjem cilju zapošljavanja polaznika koji uspješno završe obuku. Obuke moraju biti organizovane iz oblasti korištenja IT tehnologija, što podrazumijeva obuku s ciljem da mladi ljudi steknu vještine rada, koje će kasnije koristiti u radu u IT kompanijama ili sa lokalnim/globalnim tržištem ili za otvaranje vlastitog biznisa-startup preduzeća. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje. (u prilogu Tabela: 1.8).

Korisnici programa:

Pravo na dodjelu poticajnih grant sredstava za subvencioniranje ili finansiranje troškova po ovom Programu ostvaruju privredni subjekti IT sektora koji su registrovani za pružanje usluga u oblasti informaciono komunikacionih tehnologija (Područje J – Informacije i komunikacije - oblast 62) i subjekti registrovani za obrazovanje odraslih u skladu sa Zakonom, koji imaju sjedište na teritoriji Kantona Sarajevo imaju više od 10 uposlenih i koji su u 2019. godini realizovali ili će realizovati program/projekt obuke i osposobljavanja za grupe polaznika (5 do 20 osoba) kojim se omogućava poboljšanje kvaliteta znanja i upotrebe savremene informacijske i komunikacijske tehnologije polaznika obuke, sa krajnjim ciljem da se u IT kompanijama koje provedu program interne obuke ili drugim IT kompanijama izvrši zapošljavanje određenog broja mladih i/ili drugih nezaposlenih osoba koji su u skladu sa zahtjevima IT kompanija ispunili preduvjete za pohađanje ili uspješno završili predmetne obuke. Pravo ostvaruju privredni subjekti koji realizacijom Programa imaju obavezu uposliti nove radnike na period od minimalno godinu dana, a Korisnik poticaja je dužan uz redovni Izvještaj dostaviti i potvrdu Porezne uprave o novozaposlenom/im radnicima. Radno mjesto se vrednuje sa 10.000,00 KM po uposlenom radniku i biće definisano ugovorom.

Ukupan iznos sredstava za ovu namjenu: 300.000,00 KM.

Godišnjim planom za 2019. godinu za ovu namjenu predviđen je ukupan iznos od 300.000,00 KM, pri čemu maksimalni iznos subvencioniranih sredstava za provođenje jedne obuke ne može biti veći od 50.000,00 KM (slovima: pedesethiljada konvertibilnih maraka). Sredstva za provođenje ovog programa su obezbijeđena u Budžetu Kantona Sarajevo na poziciji "Podsticaj razvoju male privrede" (ekonomski kod 614 300). Ukupna sredstva za ovu namjenu dodjeljivat će se na osnovu broja pristiglih prijava, pri čemu maksimalni iznos sredstava ne može biti veći od 50.000,00 KM (slovima: pedesethiljada konvertibilnih maraka) po jednoj IT kompaniji uz obavezno zapošljavanje 5 (pet) radnika. Ostvarene subvencije služe za dalja ulaganja u obavljanje registrovane djelatnosti ili provođenje nove obuke o čemu korisnik subvencije dostavlja dokaz uz Izvještaj o utrošku sredstava.

1.9 Program: Pružanje stručne i savjetodavne pomoći za subjekte male privrede**Cilj:**

Poticajna grant sredstva po ovom Programu namjenjena su za finansiranje/sufinansiranje programa pružanja usluga stručne i savjetodavne podrške, te usluga informiranja za MSP-ove u svrhu osiguravanja učinkovite pomoći s ciljem učvršćivanja položaja subjekata male privrede na tržištu, kako bi se olakšao pristup poslovnim znanjima i vještinama, partnerima i informacijama ključnim za rast i razvoj poslovanja, te kako bi se unaprijedila privredna uspješnost privrednih subjekata.

Kriteriji za izbor:

Kriteriji za odabir podnosioca prijave proizilaze iz detaljno dostavljenog projekta/programa koji mora da sadrži: jasno definisane ciljeve, namjenu, iznos i utrošak sredstava za svaku aktivnost navedenu u projektu/programu, pružanje stručne, savjetodavne podrške i edukacije, te usluga informisanja MSP-ova u različitim fazama njihovog razvoja, s posebnim naglaskom na novoosnovane MSP (koji posluju kraće od 3 godine). Aktivnosti pružanja stručne i savjetodavne pomoći i informisanja mogu biti povezane s regulatornim okvirom, standardima, sertifikacijom, informacijama o dostupnim uslugama i programima, uključujući finansijske instrumente, savjetovanje o dijagnosticiranju nedostataka i izazova MSP-ova i drugim područjima u kojima je privrednim subjektima potrebno pružati usluge sukladno identificiranim potrebama, kako bi se izbjegle prepreke u razvoju poslovanja i pristupu uslugama poslovnog savjetovanja i slično. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje (u prilogu Tabela: 1.9).

Korisnici programa:

Pravo na dodjelu poticajnih grant sredstava za pružanje usluga stručne i savjetodavne podrške ostvaruju subjekti male privrede, odnosno pravna i fizička lica koja trajno obavljaju zakonom

dozvoljene djelatnosti, koji su u okviru svoje registracije definisani kao preduzetnički centri, poslovni inkubatori, centri za obrazovanje ili provođenje obuke iz preduzetništva (Regionalna razvojna agencija Serda, Privredna Komora Kantona Sarajevo, NETWORKS i drugi) i nevladine organizacije (NVO/NGO) registrovane u skladu sa zakonom.

Ukupan iznos sredstava za ovu namjenu: 250.000,00 KM.

Godišnjim planom za 2019. godinu predviđen je iznos od 250.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" i biće raspoređena na programe u skladu sa kriterijima iz Javnog poziva. Najniži iznos za provođenje ovog Programa po pojedinom projektnom prijedlogu iznosi 20.000,00 KM, a najviša stopa sufinansiranja iznosi 85% ukupnih prihvatljivih troškova i iznosi 50.000,00 KM. Prihvatljive kategorije troškova su: trošak vanjskih stručnjaka za pružanje stručne i savjetodavne podrške privrednim subjektima prema potrebi, odnosno kada postoji potražnja za takvima i troškovi vezani uz provedbu edukacija za potrebe MSP-ova koji uključuju: trošak najma prostora za održavanje edukacija i prezentacija za MSP-ove; troškovi najma opreme ukoliko su vezani za projekt; trošak promocije projekta (razni mediji) do 10 % vrijednosti projekta; troškovi plaća osoblja kao dio troškova provedbe projekta. Ukoliko aplikanti podnesu zahtjeve, koji su nakon obrade u ukupnom iznosu veći od planiranog iznosa za ovu namjenu, Ministarstvo može donijeti prijedlog Odluke da se svim aplikantima koji ispunjavaju tražene uslove odobre poticajna sredstva srazmjerno ukupnim planiranim sredstvima za ovaj Program. Odluku donosi Vlada Kantona Sarajevo.

1.10 Poticaji namijenjeni promoviranju poduzetništva i razvijanju poduzetničke klime

Cilj:

Promocija poduzetništva u društvu kroz organizaciju i provedbu aktivnosti namijenjenih promoviranju uspješnosti poslovanja te širenje i promocija priča o uspjehu MSP. Svrha je promocija poduzetništva u društvu kroz ciljne nastupe na domaćim sajmovima i izložbama u svrhu olakšavanja pristupa domaćem tržištu te ostvarivanja povoljnije tržišne pozicije i sa ciljem postizanja pozitivne promjene u stavu prema poduzetništvu i omogućivanje stvaranja pozitivnog poslovnog okruženja kao temelja za osnivanje, rast i razvoj MSP. Cilj je poticanje subjekata male privrede da sudjelovanjem na sajmovima i izložbama unaprijede promociju vlastitih proizvoda te stvore uvjete za kvalitetniju saradnju i povezivanje s ostalim subjektima na tržištu.

Kriteriji za izbor:

Osnovni kriteriji za utvrđivanje potencijalnog korisnika poticaja su: vrsta djelatnosti (proizvodna, uslužna i proizvodno-uslužna); broj uposlenih; namjena utroška sredstava; izvori-način finansiranja projekta; orijentisanost ka izvozu, i formalno - pravno uredna dokumenta. Odobrena novčana sredstva doznaju se na račun korisnika poticaja prema prihvatljivim troškovima po potpisu ugovora. Prihvatljivi troškovi su: zakup izložbenog prostora, uređenje i opremanje izložbenog prostora, i trošak izrade promidžbenih materijala (katalozi, brošure) koji se koriste na manifestaciji. Sljedeći troškovi nisu prihvatljivi: troškovi prijevoza, noćenja i dnevnica, troškovi zaposlenih, popratni troškovi konzumacije hrane i pića, nagrada i poklona za posjetitelje. Korisnik poticaja je obavezan dostaviti dokumentaciju iz koje je vidljiva realizacija projekta i namjenski utrošak sredstava i to: izvještaj o provedbi projekta (o nastupu na manifestaciji), račune i izvode s bankovnog transakcijskog računa kojima dokazuje plaćanje prihvatljivih troškova, te uzorke ili fotografije promidžbenih materijala.

Korisnici programa:

Pravo na dodjelu poticajnih grant sredstava namjenjenih za finansiranje/sufinansiranje programa/projekata promocije poduzetništva ostvaruju subjekti male privrede, odnosno pravna i fizička lica koja trajno obavljaju zakonom dozvoljene djelatnosti radi ostvarivanja dohotka odnosno dobiti na način kako je propisano Zakonom, kao i udruženja ukoliko podnesu zahtjev za sufinansiranje učestvovanja na manifestacijama u vezi s preduzetništvom. Manifestacijama se smatraju: sajmovi,

izložbe, organizacija matchmaking i/ili B2B događanja za MSP i slične manifestacije u vezi s preduzetništvom, organizovane s namjerom predstavljanja preduzetnika i udruženja poduzetnika, promocije ili ocjenjivanja proizvoda i usluga.

Ukupan iznos sredstava za ovu namjenu: 100.000,00 KM

Godišnjim planom za 2019. godinu za ove namjene predviđen je ukupan iznos od 100.000,00 KM, a sredstva su obezbijeđena u Budžetu Kantona Sarajevo na poziciji "Podsticaj razvoju male privrede" i biće raspoređena na pojedinačno podnesene zahtjeve u skladu sa navedenim kriterijima. Jednom privrednom subjektu mogu se dodijeliti najviše dva poticaja za 2019. godinu. Poticaj može iznositi do 80% prihvatljivih ukupnih troškova, a najviše do iznosa od 5.000,00 KM.

1.11 Podrška razvoju kreativne industrije

Cilj:

Program podrazumijeva podršku institucionalnom organizovanju i udruživanju kreativne industrije s područja Kantona Sarajevo, zatim projektno finansiranje/sufinansiranje ili subvencioniranje troškova udruženja kreativne industrije, pomoć u centralizaciji poslovnih aktivnosti u kontekstu zajedničkih prostora, radionica, edukacije i sl., te subvencioniranje troškova osnivanja obrta i preduzeća, repromaterijala, podršku aktivnostima koje doprinose izvozu roba i usluga, uvezivanju s ostalim industrijama, sufinansiranje projekata podržanih od strane međunarodnih institucija i organizacija i dr. Specifičnost kreativne industrije, legislativna neuređenost i veliki broj neregistrovanih subjekata u ovoj vrsti industrije su osnovni razlozi što se ovim pilot-programom želi dati institucionalna podrška u kontekstu njihovog udruživanja, registracije, regulative i sl.

Kriteriji za izbor:

Osnovni kriteriji za utvrđivanje pojedinačnih korisnika poticaja su: vrsta djelatnosti; broj uposlenih; namjena utroška sredstava (nabavka mašina, alata, repromaterijala i sl.); izvori-način finansiranja projekta; orijentisanost ka izvozu, a aplikanti su obavezni dostaviti račune i/ili ugovore kojima se dokazuje namjensko korištenje sredstava i dokaz o plaćanju dostavljenih računa (izvod iz banke) i formalno - pravno uredna dokumenta. Kriteriji za odabir podnosioca prijave radi dodjele sredstava kojima se rješava institucionalno organizovanje i udruživanje kreativne industrije proizilaze iz detaljno dostavljenog zahtjeva/projekta/programa koji mora da sadrži: jasno definisane ciljeve, namjenu, iznos i utrošak sredstava za svaku navedenu aktivnost. Odobrena novčana sredstva doznaju se na račun korisnika poticaja prema prihvatljivim troškovima po potpisu ugovora. Korisnik poticaja je obavezan dostaviti dokumentaciju iz koje je vidljiva realizacija projekta i namjenski utrošak sredstava i to: narativni izvještaj o provedbi projekta, račune i izvode s bankovnog transakcijskog računa kojima se dokazuje izvršeno plaćanje troškova. Prednost prilikom odabira projekta/programa imaju aplikacije kojima se rješava institucionalno organizovanje i udruživanje kreativne industrije s područja Kantona Sarajevo u kontekstu njihovog udruživanja, registracije, regulative i sl. Kriteriji za izbor korisnika i zaključivanje ugovora utvrđeni su Pravilnikom, javnim pozivom i kriterijima za bodovanje (u prilogu Tabela: 1.10).

Korisnici programa:

Pravo na dodjelu pojedinačnih poticajnih grant sredstava namjenjenih kao podrška razvoju kreativne industrije ostvaruju svi u skladu sa Zakonom definisani subjekti male privrede sa sjedištem na prostoru Kantona Sarajevo koji kao registrovanu djelatnost trajno obavljaju zakonom dozvoljene djelatnosti radi ostvarivanja dohotka odnosno dobiti na način kako je propisano Zakonom, kao i udruženja s područja Kantona Sarajevo, čija primarna djelatnost spada u kreativnu industriju (definisanu statutom centralnog udruženja) uz obavezu članstva u centralnom udruženju /ili u OKKS.

Ukupan iznos sredstava za ovu namjenu: 100.000,00 KM

Godišnjim planom za 2019. godinu za ove namjene predviđen je ukupan iznos od 100.000,00 KM, a sredstva su obezbijeđena u Budžetu Kantona Sarajevo na poziciji "Podsticaj razvoju male privrede" i

biće raspoređena na pojedinačno podnesene zahtjeve u skladu sa dostavljenim zahtjevom/projektom. Ukoliko se radi o projektu/programu kojim se rješava institucionalno organizovanje i udruživanje kreativne industrije s područja Kantona Sarajevo visina sredstava može iznositi do 80% prihvatljivih ukupnih troškova tj. maksimalno do 50.000,00 KM, a poticaj za jednog pojedinačnog korisnika za subvencioniranje troškova osnivanja obrta i preduzeća, nabavku repromaterijala, podršku aktivnostima koje doprinose izvozu roba i usluga, može iznositi najviše do iznosa od 5.000,00 KM.

III

U skladu sa Pravilnikom o postupcima u provođenju Programa razvoja male privrede, Ministarstvo privrede Kantona Sarajevo objavljuje Javni poziv za izbor korisnika poticajnih grant sredstava. Obavještenje o Javnom pozivu za podnošenje zahtjeva za dodjelu poticajnih sredstava u 2019. godini objaviti će se u "Službenim novinama Kantona Sarajevo" i u dnevnim novinama, a na web stranicama Vlade Kantona Sarajevo i Ministarstva privrede potpuni tekst Javnog poziva sa prijavnim obrascima za svaki objavljeni Program.

IV

U svom radu Komisija formirana u skladu sa Pravilnikom može po potrebi, a radi što objektivnijeg vrednovanja prijava po pojedinim programima, zatražiti konsultacije eksperata iz datih oblasti, kao i dodatno pojašnjenje od strane podnosioca prijave na javni poziv.

V

Utvrđivanje Prijedloga korisnika poticajnih sredstava vrši se u skladu sa navedenim Pravilnikom, javnim pozivom i kriterijima za bodovanje. Kriteriji za bodovanje (Tabele 1.1; 1.2; 1.3; 1.4.; 1.5; 1.6; 1.7; 1.8; 1.9 i 1.10) su sastavni dio ovog Programa.

VI

Poticajna sredstva, po onovu navedenih programa u tački II ovog Programa dodjeljuju se na način utvrđen Pravilnikom.

VII

Nadzor namjenskog utroška poticajnih sredstava vrši se u skladu sa Pravilnikom i Programom razvoja male privrede za period 2016.-2019. godina.

MINISTAR

mr.sci. Haris Bašić